

壯懷堂詩初稿

壯懷堂詩初稿卷三

侯官林直子

江上曉發

萬頃烟波眼底收
紅旌官舫自中流
瓣香笑向江神祝
早送風帆到濟州

舟中

小泊江鄉路
春來物色妍
遠山明積雪
野樹淡棲烟
隨宦時承養
貪吟欲廢眠
似聞舟子語
霽日喜澄鮮

湘潭曉發

凌晨發湘潭
月落天未曙
榜人呼曉風
行客待官渡
冥

冥霧溼衣淡淡烟生樹回首望江城雞鳴不知處
長沙遇風示同行諸子

逆風使船如使磨披衣斜倚篷牕坐一片烏雲墜地來
無邊雪浪兼天作陽侯股栗天吳怒神鬼傲傲老蛟大
側耳似聞沙石響定睛已見船頭破舟人驚呼水入罅
心若搖旌膽離舍直將性命爭頃刻稍失下飽黿鰕餓
倏爾雲開風浪息家人昨舌猶咨訝長年柁翁走相賀
客請無憂且高臥緩向湘妃廟下移便從柳毅祠前過
是時日沈江入夜酒思愁懷兩無那作詩火急報同行
慰我瑤篇倘相和

湘妃廟

杳杳蒼梧野冥冥帝子祠
楚雲愁不落湘水去無期
日閃靈旗動風飄玉珮移
夜深瑤瑟出千古起遐思

廿二日早渡洞庭午泊岳州

滿江苦霧天冥冥殘月未落猶曉星
榜人早起語相慶今日好風過洞庭
船頭圍坐飽餐飯忙整篷索歌揚舳
我時蒙頭尙高臥餘夢驚覺搖忪惺
春寒料峭入襟袂湖氣激宕來窗櫺
須臾紅日出水底金光閃爍摩新硯
澄鮮一望浩無際但見四字垂空青
帆檣萬點落天末彷彿止水飛蜻蜓
我舟中流獨容與一葉旋轉輕如萍

君山遙遙忽到眼
突起千丈堆螺形
百八十里渡頃刻
側耳惟覺風泠泠
及來岳陽日初午
緣岸已有千艘停
回思壯游頗快意
波浪盡失迷沙汀
呼童急出市美酒
一杯先欲酬江靈

登黃鶴樓

繫纜日將夕
來登黃鶴樓
仙人杳何處
江水自東流
寂寞吳宮樹
飄零楚國舟
遙看沙渚外
拍拍起輕鷗

黃州城樓晚眺

瞰水孤城百雉開
登樓遙望起徘徊
武昌烟樹沿沙沒
湓浦帆檣冒雨來
歲月幾更仍作客
江山如此合生才

龍驤事業須臾盡一片荒磯上綠苔

潯陽對月

望盡滄江月今宵分外明
纔臨元亮宅忽遍灌嬰城
聽曲神魚舞翻巢老鵲鳴
琵琶亭下路憑弔不勝情

舟中望廬山

予生好游覽少小登泰岱
俯瞰天壤間羣山盡兒輩
茲行見匡阜空翠差可愛
巍根矗層霄巖業逞奇態
允稱九江鎮直足五嶽配
彭湖走東南環拂若襟帶
平疑練影鋪淨訝劍光淬
孤帆飽長風欲泊不可奈
中流徒悵望百里送餘黛
回首揖匡君他年倘重會
定當此結茅

晨昏永相對

過馬當

滿眼青山襯晚妝
小姑終日對彭郎
南風江上孤帆穩
快趁春潮下馬當

皖口

日暮扁舟泊碧潯
皖公山色入雲深
我來正值瀟瀟雨
愧少新詩與綠林

大觀亭弔余忠宣公

半壁東南險乾坤
得此亭潮來小姑
白山向皖公青一
代忠貞在千秋
俎豆馨潛然頻悵
望恍惚見英靈

攔江磯

長江日東下蜿蜒如修蛇衝飈激湍流迅速難邀遮歸
磯突江腹怪石堆嵒岿橫胸架虹梁聒耳轟雷車我舟
戒前行摩厲森戟牙危機倘相觸下汨蛟龍家因知天
壤間得失爭一差巨川占利涉既濟三吝嗟

江上望九華山

少讀太白詩馳情九華峯十年有願苦未到坐使壘塊
填心胸茲行扁舟正東下名山到處思支筇計程今日
得奇賞晨興跂足歆船篷須臾隱約見天際漸近形勢
推巖崿奇峯忽析百有六一一秀削青芙蓉爭雄競長

不相下頃刻變幻千奇容翻空綠水倒銀漢高處似有
雲霞封遐瞻雖未恣閱歷已令目悅生歡棕譬如生平
所思友久隔忽向中途逢盤桓竟日未忍別相看幾盡
玻璃鍾峭帆一駛百餘里猶見黛影拖重重因風寄語
狂李白夢魂與爾相追從

天門山歌

岷江九派趨天門驚湍急湍相迫奔峨嵋巍然作巨鎮
天門亦名峨嵋其下列阜如兒孫梁山博望相對出一似角勢
齊稱尊懸崖峭壁縱未至遙望已覺搖心魂嵐光吞吐
變顯晦雲氣舒歛迷晨昏狂飈忽發林谷響疑聽萬馬

馳中原雨餘飛瀑直傾瀉玉龍百丈當空翻兩三石筍
峙絕巘瘦醜各作饑鴟蹲神仙窟宅倘許到一徑便可
通崑崙名山咫尺望難卽臨風使我愁懷繁題詩李白
今已往徒歎千古風流存篷牕誰與破寂寞把卷聊自
開芳樽

過太白祠用黃仲則秋浦懷李白韻

太白騎鯨去春風復幾時自從君醉死絕少客能詩月
白瓜州渡雲荒采石祠我來醅杯酒清夜起相思

望夫磯

送郎行處望郎歸望郎不歸心自悲化作頑然一拳石

螢螢獨立江之湄相憐惟有江頭月照見寒光幾圓缺
月雖有缺有時圓郎兮一去今千年此心耿耿常不死
欲把貞操盟白水天長地久永爲期郎兮或有歸來時
舟中望燕子磯

揚帆汴中流風利不得泊遙看烟水際危磯峙岵嶢林
深閉古寺巖險置崇閣蒼松滴濃翠細竹長新籜靈巖
雖未登淑景差可樂何年攜酒來一踐探奇約

金陵懷古八首

傾袁覆許定江東形勢先開霸業雄割地既經和蜀帝
孱身何事屈曹公樓船飛渡南風利鐵鎖銷沈戰火空

一片降旛傳夜出昭陽宮殿夕陽中

從龍名士過江來淚下新亭亦可哀南國文章江令筆
東山裙屐謝公才已看左袵窺神器猶向長星勸酒杯
十一帝陵何處問銅駝落日莽蒿萊

寄奴身世起新洲倡義中原指顧收父老關中思逐鹿
子孫南國聽符鳩渭川風勁嘶胡騎澹水流紅泣楚囚
莫問元嘉舊時事蕭蕭松柏二陵秋

紹伯餘生脫射臍崇朝軍府動征鼙不須白玉畱爲導
安得黃金賤似泥賦就西京聞鬼讀殿開太極笑鷺啼
鬱林巷死涪陵廢一例秋風戰馬嘶

傳檄威聲鎮雍州
蕭郎意氣冠諸侯
壯能用武人思治
老尚沈迷佛亦愁
龍瀆西來傷玉軸
雞籠南望失金甌
青絲白馬終成讖
回首蘭陵共廢邱

臨春結騎傲珠帷
叔寶何心學畫眉
隔座諸郎時按曲
後庭狎客夜裁詩
景陽鐘歇龍鸞散
玉樹歌殘燕雀悲
王氣莫誇天塹險
江東日見羽書馳

濠州提劍起登壇
數載方成帝業安
容易金川驚燕入
倉皇鐵甕失龍蟠
六宮寂寞青娥老
十廟陰沈白骨寒
明月不關興廢事
秦淮終古自團圓

偏安坐失小朝廷
監國王孫樂未停
舉世咸悲史忠正

當時應恨阮懷甯諸生奔走空歌哭四鎮懜騰半醉醒
一片孝陵岡畔路杜鵑何處叫冬青

早發儀徵河口順風渡江用東坡大風留金山兩日韻
五更檣頭老鴉語今日好風可飛渡榜人解纜趨中流
巨浪翻空噴狂雨浮雲無色白日昏對面渾疑鬼神舞
我時轉覺心膽粗氣懾蛟龍不敢怒扁舟頃刻達江岸
咫尺金焦杳何許詩成跼足倚篷牕閒數津頭打官鼓
江上晚眺

流水去滔滔晴空一雁高雲歸京口樹月白廣陵濤燈
火開千戶旌旗擁萬艘無心閒眺望詩思滿江皋

高郵道中

沿湖一帶釣人家流水門前沒淺沙短草烟濃朝放鴨
垂楊雨細晚撈蝦時清已徹頻年成風定猶聞午夜笳
傳道鄉關餘海寇時海上多盜音書何日到天涯

舟過寶應

安宜城下發挂席雨初晴舟自烟中出人疑樹杪行魚
蝦喧晚市秔稻足春耕幾日清淮路新詩紀水程

淮上

一綫平隄障巨湖迴環百萬接田廬危城高壓江淮合
滄海橫流日月孤但使糧艘通五郡不愁鹽賦滯三吳

持防上策憑誰畫
賈讓當年有遠圖

韓侯釣臺

逆風吹船船不開
醜酒來醕韓侯臺
門前白浪走老鱷
祠畔荒碑蒙古苔
韓侯英雄古無兩
際會未逢殊惘惘
淮市低頭屈少年
南昌寄食愁亭長
仗劍從軍夜渡淮
事梁干羽遇終乖
一官執戟埋奇士
數載連敖泣壯懷
生平鄼侯是知己
崇朝特達風雲起
登壇意氣驚三軍
獻策堂皇動天子
全師東徙出陳倉
拔幟奇兵破趙王
虜豹夏陽憑木缶
降龍灘水決沙囊
自古功高易震主
蒯通之謀亦云苦
空向臨淄號假王
忍同炎漢爭坏土

忽爾驚傳雲夢游鍾離枉死楚王囚蕭陳糜爵甯相顧
絳灌同朝固可羞得失興衰亦何有生死都歸婦人手
方問淮上飯王孫旋見宮中殺功狗鳥盡弓藏久所聞
沛公莫怪負殊勳勢窮猶有杯羹乞醢越夷黥豈足云
鍾室茫茫恨無已血花染碧青燐死何似嚴陵有釣臺
千秋兀立桐江水

漂母祠

臨水荒祠苦竹喧當年此地飯王孫後來不吝千金報
猶勝劉家待士恩

初八日清江舟中得 家大人陳臬楚北信眷屬退居

揚州卽事

萬里官旌指濟州山程水驛速傳郵輓輸方計通河運

時家大人
兵備運河

詔命旋教按楚囚冀北風沙雙鬢健

時家大人
迎摺北上

江南

花月一春愁廣陵潮信如相待穩挂輕帆逐順流

十四日早發清江

津頭打鼓催船發莎岸雞鳴破殘月重衾擁夢搖惺忪
千里關河浩難越作客年來足快游江花江水不勝愁
春風吹鬢可憐綠照影怕見清淮流韓侯臺畔重來路
白頭老鴉唳上樹權歌聲裏過孤城日出空江散烟霧

舟中雜詩四首

平明放櫂出江潭
碧草濃烟蘸蔚藍
閒倚篷牕沈睡去
櫓聲搖夢下淮南

踈地垂楊亂似絲
春風兩岸草迷離
推窗貪看江潮漲
不覺輕舟過射陂

蟹社湖頭落日黃
露筋祠畔晚烟蒼
漁村蟹舍渾如畫
一半人家住水鄉

孟城東畔是儂家
只種荷菱不種麻
三十六陂春水綠
賣魚射鴨足生涯

柳枝詞

揚子津頭楊柳枝年年春到綠垂絲若教綰得行人住
世上何應有別離

東園看牡丹歌

江城三月春已闌天桃穠李隨春殘東園名花孰妍好
蓄蕊遲開惟牡丹園丁扣門破清曉具榼邀我憑雕欄
初來障眼簇錦繡坐久撲面吹芝蘭姚黃魏紫色相閒
綠萼金絲叢作團就中白者十餘本膚如聚雪心深檀
翩翩體態妙絕代恍見仙人乘素鸞瑤臺琪樹不常見
蕪苑瑤花無足觀何如此種謝凡豔天然秀色疑可餐
經旬蜂蝶鬧未散天意人意俱喜歡化工豈亦厭寂寞

放此晴景供盤桓我時狂吟忽中歇持杯向花起長歎
頻年南北倦行路夢魂飛越關山難閒愁閒病兼風雨
明歲花開何處看

文選樓

千秋思帝子勝地得高樓拂檻雲嵐溼臨軒松檜幽篇
章矜創獲讌賞結良儔梁社邱墟久悲歌涕泗流
紅橋觀競渡寄懷粵中諸同好

河橋一帶柳陰虛風景蕪城畫不如作客天涯逢五日
懷人江上弔三閭關心往事頻題扇回首知交此寄書
眼底魚龍看對出吟成楚些渺愁予

宿天甯寺

蕭寺來投宿憑欄思渺然松將琴韻古泉與磬聲圓客
至分僧飯宵深點酒錢孤吟渾不寐螢火落窗前

廣陵雜詩七首

風景依稀眺蜀岡東都無復翠華忙雞臺鳧舫俱黃土
花落花開空斷腸

傷心寂寞石城歌螢苑西風罷綺羅四十離宮蕭瑟盡
今宵何處月明多

秋入江城思黯然南朝舊事付蒼煙提壺日暮尋僧話
爲乞山堂第五泉

玉鉤斜畔日平西
塚道荒涼望眼迷
最是銷魂看不得
秋風滿地熟棠梨

千林紅葉散江濱
置酒孤城萬緒紛
當日鬢絲禪榻畔
不堪淪落杜司勳

竹西歌吹嗟銷歇
不見漁洋又百年
莫向紅橋問明月
人生能見幾回圓

連朝躡屐訪平山
疏柳條條不忍攀
一片酒旗歌板路
斜陽無那照離顏

吳覺翁錦先生以漢瓦硯見貽走筆賦呈

青燐夜走昭陽殿
屋瓦飄零如鐵片
披沙刮垢幾磨礪

天與人間畱作硯，袤方四寸廣略同。凹處精瑩映人面，
當時高掛簷溜間，照耀日月縈雷電。中邊篆迹半模糊，
鈐記依稀猶可見。微物豈有神護持，閱盡滄桑幾遷變。
市兒皮相良足嗤，沙礫相看少稱羨。端州歛水舊有名，
近來到處遭剗剗。紅絲蒼玉出漸多，鵲眼猪肝行亦賤。
豈若此瓦堅且完，墨氣長看寶光炫。我將珍重陳明堂，
白璧黃琮遲共薦。不然亦當攜游趨海甸，題詩要使江
山偏。莫令塵封日久仍阮塹。

瓜州夜泊

秋水瓜州渡荒村，一帶砧江風蘇病骨。山月照歸心客

路分南北川流自古今夜深眠未得孤雁下遙潯

渡江三首

秋風一夜徧津亭愁思盈懷酒半醒憔悴江南數枝柳
不堪重憶舊時青

兩點金焦照眼明連山雪浪逐船生夢中似聽吳娘道
如此風波不可行

青山夾岸勢峻嶒勝地重游恨未登十幅蒲帆疾如鳥
過江烟樹是金陵

觀打魚用東坡放魚韻

津頭昨夜雨破塊水漲平隄沒沙背大魚發發翻波濤

小魚洋洋穿荇帶漁師一網百十鱗賣向人家作羹膾
吳姬玉手揮霜刀錯落金盤雪花碎乍見先驚那忍食
悔不呼童放溪瀨自信優游江澤間誰教永落風雲外
嗚呼人生得失亦如斯此理告君當領會君不見龍門
赤鯉何飛騰鼓鬣揚鬐入滄海

登雞鳴山晚過雞鳴寺卽景

振衣躡崇岡靈境喜超越古洞鬱幽深疑是仙人窟頽
雲吐光怪危石走奔突穿巖路轉紆捫磴巘逾絕俯瞰
金陵山拱立似抽笏龍蟠險形勢王氣久銷歇憑弔景
陽宮井荒苔蘚沒臺城舊時柳萬樹歎摧折六朝迭相

送飛鳥去飄忽天塹一何雄
長江杳毫髮民居十萬戶
屋瓦比鱗列茫茫元武湖
山影照清澈林深出古逕
斜日照孤刹景仰誌公賢
蒼涼迷斷碣偶來勤展拜
使我神惚恍黃昏到寺門
佛火半明滅虛檐蝙蝠飛
壞砌幽蛩咽坐久覺宵深
持杯酌涼月

景陽閣晚眺

冶城西去路漫漫傑閣崔巍得壯觀
山勢遙來圍建業江聲從古繞長干
雲荒故內啼鴉急日落平原畫角寒
莫向雨花臺下望松楸寂寞葬千官

秋江採蓮行

江南茜萼紅娟娟長莖翠葢羅疏烟越溪女兒手如玉
笑倚蘭橈歌採蓮昨日蓮開尙妍好今朝蓮被秋風老
不言結子會有時但怪看花來不早日暮江頭打槳歸
鴛鴦睡足起雙飛大姑憔悴獨無語歛黛低頭淚滿衣
彈琴石

寂寂蕭常侍風流世所稀彈琴畱片石曠代仰清徽流
水碧雲冷空山夕照微遙看高臥處苔色滿巖扉

金陵雜詩八首

金陵王氣銷沈久歌管池亭幾度更江水無情自今古
夜深還作六朝聲

一醉人間五百年至今樓角只蒼烟子荆去後何人問
曠代風流李謫仙

莫愁湖畔水悠悠若謂無愁卻有愁一自佳人畱迹去
祇今香草滿芳洲

淮清橋南秋水生小姑祠畔晚烟橫門前苦竹風徐度
疑是月明環珮聲

江南風物湛清華古柳垂垂散暮鴉寂寞烏衣舊門巷
過江王謝已無家

年來兩上秣陵舟腸斷秦淮賣酒樓往事淒涼不堪憶
眼前風景似揚州

金粉南朝事有無齊陳宮闕已全蕪
瓊枝壁月人何處
風雨叢祠喚鷓鴣

歌殘桃葉復桃根猶記瑯琊舊姓存
今日花開滿官渡
何人相待月黃昏

羅刹磯弔黃忠節公

北望旌旗滿孤城勢已窮一身期報國
九死敢言忠
赴義妻孥共傷心士吏同招魂磯下水
時覺起靈風

馬當遇風

好風連日吹江甸挂帆直抵東流縣
沿洄上溯馬當來
過眼江山似傳箭衝颼忽捲白日昏
飛石揚沙走雷電

陰霾慘慘神鬼號無邊疾雨來酣戰倉皇舟楫溷迷濛
咫尺青山看不見浮雲開處吐殘陽雨腳猶懸亂如線
晴空忽雨雨忽晴頃刻天公幾遷變因思在昔王子安
才筆風流千載擅江靈相助一帆風夜達南昌赴華宴
我今來作翦江行顛倒心魂目光眩彼何適意茲何憂
遂使人心有嗔羨須臾舟定風漸回始信江神少偏眷
詩成坐起拭雙眸轟轟孤峯翠當面

過蕪湖關

臨江雉堞認蕪湖打槳船頭浪影粗沿岸人家開晚市
繞城烟樹隱浮圖孤篷日伴漁師坐敝篋猶煩漕吏誅

自笑浮生任羈滯敢因風雨怨長途

重過池口

看山重過古池陽歎息頻年住水鄉一片卸帆亭下路
只今多屬釣魚郎

江州聞笛

江樓吹笛韻悠揚一曲陽關引恨長聽到月明沙盡處
驚飛三十六鴛鴦

小孤篇

大江遠自崑崙來排空怒蹴蒼山開小孤突然插天半
兀立不動真崔嵬扁舟行行一千里江上諸峯那有此

捫蘿攀葛登層巔浩浩長風生袖底匡廬五老勢相當
大孤掉尾蹲其傍陰巖古磴不易上烟霧對面迷彭郎
巖坳閃爍開丹闕畫棟飛甍起飄忽此間似有神靈棲
時見雲旗出復沒初疑跨虹誤入廣寒宮天衢有路遙
相通重樓複閣聳金碧乃在縹緲虛無中又疑騎鯨偶
過蓬萊島到處琪花與瑤草仙姝作態舞霓裳玉鬢花
顏春不老我時拄杖高吟詩穿雲越逕將忘疲懸崖秋
深墜鸛鶴怪樹歲久盤龍螭側身影落一千尺覩此茫
茫悚心魄日落斜橫雉堞明潮來不斷鷺毛白臨風決
眚看青天吳頭楚尾惟荒烟紛紛爭戰今寂寞只此形

勝猶常年向晚江山更奇絕秋聲漸高秋思發夜深載
酒還上來揮手招尋海門月

江上贈漁父

八十龍鍾叟高懷邁等倫江風吹打槳山月照垂綸野
爨燒黃葉晚肴烹紫鱗會將遺世意長此老江濱

壯懷堂詩初稿卷三終

壯懷堂詩初稿卷四

侯官林直子隅

放鶴亭懷曾賓谷

煥

先生

老鶴去不返長空無盡時江雲看對出山月坐相思壞
礎棲寒篠疏檐接亂枝危亭搖落甚何處憶仙姿

聞定海警

秋來羽檄報縱橫江浦風烟接鄞城轉覺軍中驚鶴唳
不聞耳上有泉鳴商船已斷嘉門鎮餉道難通望海營
莫謂儒生無遠畧願拋書劍請長纓

姚履堂

懷祥

明府哀辭

羽檄馳京國兵塵暗海門幾人知大義一死答

君恩怒挾飛濤壯燐歸夜月昏姓名青史在應足慰忠魂

鸚鵡洲尋福處士墓不得

褰裳涉芳洲載訪禰生墓萬古草萋迷沙封不知處昔時江夏宴名重鸚鵡賦詞鏘金玉聲筆挾飛鳴句才高遭遇難亂世誰相顧喪身爲片言魂棲漢陽樹狂矣復何言千秋起予慕

濃翠亭同子駿

秉烈

家兄夜話

十載思何極相看意倍親嗟君無怙恃笑我困風塵

聖世詩書貴名山歲月新顯揚他日事綸閣彼何人

秋日感懷

側身北望暮雲昏太白迢迢度紫垣羽檄經年勤海戍
樓船近日泊津門中原犀兕當秋銳左輔魚龍入夜喧
宵旰祇今勞

聖主諸君誰爲副

臨軒

江上送客

江上行人未忍分忽聞孤雁叫離羣舉杯又是傷心別
無那相思對暮雲

雪夜用東坡聚星堂禁體韻示署中諸子竝邀同作
朔風獵獵吹敗葉倏見中庭亂飛雪穿簾入檻高復低
襖被蒙頭意悽絕萬戶千門堆欲徧幽谷陰巖凍應折
街頭破柝寂不鳴壁上殘燈慘將滅一夜無眠愁思發
枕邊驚聽晨鐘掣披衣急出啟窗看三尺檐冰沍成纈
瑤花舞罷迴颿息鳥踏疏枝落餘屑年來南北苦行役
好景良朋總飄瞥幸喜今朝諸子集歐蘇故事聊同說
紅爐酒熟日又斜醉倚天風裂笛鐵

武昌人日

忽忽又人日羈遲漢水濱川原晴見雪草木靜含春客

館紅花發高堂白髮新故鄉何處是惆悵過芳辰

再泊黃州

征帆如健馬一日下黃州烽火西津暗山川赤壁秋水
禽鳴岸磧霜雁落汀洲四聽楚歌起夜深思舊游

廬山謠

我聞名山三十六洞天勝地一一棲神仙匡廬高高出
南斗瓊樓玉觀紛相連昔從江干望昨嶢到處懸崖與
飛壑九疊屏風眼底明千尋瀑練樽前落當時迎送百
里餘船頭黛影橫模飭可惜風利不得泊二載使我空
踟躕今朝挂帆過湓浦乘興來游那言苦芒鞋竹杖褐

衣輕醉踏蒼虬入眞府初由平陸升丹梯峯迴路轉愁
攀躋怪雲突出駭海鶻紅日燦吐號天雞遂穿林而越
巘覺虎嘯而援唬俯視大地不知幾萬仞遙見長江浩
浩來自西江西探奇厯險境各異古洞陰風颯然至欲
止未止歸未歸忽聽疏鐘出山寺雙劍峯頭夕照明香
爐巖畔野烟生雲中五老共招手似欲導我昇天行是
時倦游愴心魄自古名賢總陳迹太白書堂謝眺樓只
今惟有荒苔積百歲登臨合幾回愁懷抑鬱無由開縱
畱身後名千載何似生前酒一杯臨風三歎浩歌起松
下欣逢董仙子爲予啟口告山靈五百年前亦居此

舟中望大孤

大孤矗巍峩百里失向背一柱起中流千尋入蒼靄傾
崖距虎豹古廟翳松檜恍惚來神靈因風響環珮湖氣
方澄鮮雲光乍明晦我行阻修途揚舲擊長汰未得遂
攀躋望空發深慨

大風雨過鄱陽湖作歌

鄱陽浩浩來無邊雪山百道置眼前英雄戰伐今已矣
使我慷慨悲千年青天無塵日卓午舟子嘯呼向前浦
江東忽見片雲生頃刻晦明吼風雨欲渡不渡愁奈何
水深日暮蛟龍多匡廬仙人不可見擊楫中流一放歌

登滕王閣放歌

我騎玉鯨趨豫章
顧江流水流湯湯
江頭傑閣起超突
作勢上與雲迴翔
披衣策杖欣獨造
對此先欲浮千觴
涼颼颼然動襟袖
頓令心骨森開張
憑軒已似撫霄漢
舉手直欲捫參商
遙觀匡廬作深黝
日色慘淡雲昏黃
鄱陽一線落天際
白浪出沒千帆檣
西山月出照潭底
夜深驚起魚龍藏
枝頭寒鴉曉軋軋
城上漏鼓撾鏜鏜
江風吹面酒亦解
鐵笛橫吹歌聲長
忽思此閣凡幾代
雕欄畫棟猶輝煌
想見當年盛冠蓋
珠簾歌舞紛千場
繁華自古有銷歇
滕王蛺蝶荒烟荒
子安文章獨不朽

直與日月爭光芒我生蹤迹半天下瞥眼一過隨相忘
惟觀此勝稱絕妙弔古使我心傍徨閻公賓客久寂寞
高會恨不遙攀將徒矜豪氣駭俗目文藻敢謂躋三王
昌黎作記惜未到壯游可傲言非狂詩成拂袖且歸去
大笑仰視天蒼蒼

撫州懷古

臨川東望水天浮畫裏春城晚泊舟靈谷連雲橫翠黛
盱江拖雨瀉寒流傳書客去思羊角登第人來夢虎頭
石磴紅泉憶康樂何當更作謝池游

建昌道中

別懷堂言示弟名四
五
百里盱江水羈遲兩日程灘痕沿岸轉舟勢趁沙行夜
雨縈歸夢春風愴客情來朝躡芒屨山路喜南征

硝石道中

黃花滿地竹連畦隔岸村來聽午雞昨夜小溪春雨足
三篙水漲白沙堤

延平二首

臨水孤城列畫樓清和人愛麥天秋歸舟泛泛斜陽外
直下危灘自在流

夾岸人家水似環鰣聲欸乃浪花間而今真箇鄉關近
指點前途一抹山

捉人行

扁舟夜泊延平津岸上喧傳來捉人里胥揚揚出公署
狂呼怒罵街頭去到門火急開官符名姓羅列二十餘
老拳毒手肆凌虐壯幼一一無完膚全家拘繫猶未已
更欲波連及鄰里殺雞割碗供盤殮免爾今朝且不死
虎狼雖惡猶望生里胥橫行誰敢撓回衙上訴縣官怒
隨口牽連更無數勸君且行勿回顧生死憑伊向前路
寄題李忠定公祠

忠定祠堂草樹荒英魂終古怨汪黃一生義氣磨難盡
九死殘軀恤未遑歎自北人齋盜寇永教南渡感滄桑

岳王獄死韓王老史冊於今恨共長

沽酒

雙槩烏篷向岸移幾家茅屋枕江湄鄉關到處堪畱醉
一點紅燈上酒旗

自水口放舟至竹崎

厯盡危灘險遙天出混茫江亭榕葉暗驛路稻花香
輪稅溪魚鬧籌緡津吏忙篷牕閒眺望朝夕近家鄉
到家

家園今日喜歸來盡室同斟慶壽杯兄弟歡呼如往日
親朋相見是初回綺筵絳蠟通宵徹畫閣銀屏向曉開

鄉語未諳勞問訊幾番低首費疑猜

畚女謠

畚中女兒年十七跣足蓬頭面如漆紅巾覆額著戔戔
窄袖稱身縫密密百合山丹插滿頭見人欲語卻含羞
阿爺斫柴入山裏賺得錢歸百不憂東家婿男西嫁女
鄉民爭看迎公主畚俗謂女曰公主親朋五姓自朱陳惟鍾荀雷盤藍
姓走賀紛紛具雞黍入門先自拜翁姑洞房燭爛聞歡
呼三朝突過天未曙早向城中賣柴去

詠龍目

龍目原嘉植何緣喚荔奴那知旁挺出未與側生殊迥

帶黃金色深藏白玉膚
壁將映琬俎顆顆水晶珠

感事

書生慷慨敢談兵
側目天南意不平
未見鯨鯢歸遠窟
空勞貔虎衛重營
綏安豈竟無長策
退縮徒教累聖明
世事於今多粉飾
彈章誰爲達

神京

城南寡婦行

城南老寡婦年歲過五紀
倚門日悲號衰醜鬼相似
自言嫁三年丈夫獄中死
四壁颯秋風牀頭餘二子
大兒客長安十載去鄉里
小兒隸軍籍日日入城市
昨宵府

帖下選成澎湖水冢婦三十餘一病不復起老身力就
衰晨爨弗能理旁人空見嗟咄咄歎不止請君勿再言
余將掩雙耳

贈王壯士二首

仗劍出門去狂歌響未終
兵戈千里盡天地一人東
疾視馳蒼隼高聲落斷鴻
翻嫌朱亥輩空負狗屠雄

白陳肝膽事慷慨亦奚論
一笑輕生死無言報主恩
壯心欺落日盛志邁平原
匹馬關山道何愁盜賊繁

題唐子畏蟾宮折桂圖

秋風吹老蟾光冷照見千年丹桂影
翠葉瓊枝接玉京

天香雲蕊飄金井夜深華露下瑤臺萬宇千樓取次開
仙娥穩跨紅鸞至青女遙乘彩鳳來霓裳玉珮淩波襪
霧鬢烟鬟花作骨欲渡雙星耿耿明回頭銀漢沈沈沒
記得前宵夢熟時廣寒宮裏醉清卮姮娥似有憐才意
折贈東南第一枝

傷秋四首

舉杯拔劍起徘徊鉦鼓南天只覺哀明月自臨曹女廟
秋風多傍越王臺廬循樓艦千檣集姑蔑關河萬馬來
此日軍書馳海內安危誰是出羣才
嶺嶠鯨鯢未絕蹤驚聞越檣又傳烽行成霸業悲文種

領郡威名悵顧雍駐節經年勞漢使洗兵何日復堯封
朝廷久自懸優賚頗收而今不易逢

聞江南去接溟濛鯨島波濤入望通填海有心憐恨鳥
負山何意效愚公摧殘圭璧臨流白慘淡旌旗照日紅
聞道虎門烟水外朝來仍自駐艤艖

烽烟滿目氣超騰有客登樓百感興早識東甌齎盜寇
悔從南渡費金繒縱擒得術終能定叛服無常古所懲
聞道雲臺方集議相公名手自模稜

戎婦歎

淩晨鵬步長溪曲側耳驚聞道旁哭遲畱借問哭何爲

答道妾夫戰不復記得前年別妾時
霑衣血淚無人知
里胥如狼促上道
烟塵望斷紅旌旗
牀頭有兒呱呱唬
寒無縷布饑無糜等閒一別十餘載
世事光陰幾遷改
塞上能知妾鬢衰
天涯安保郎身在
昨朝鐵騎來邊城
陣亡帖上見郎名
知郎已作刀下客
郎今既死妾忍生
沙場正值朔風發
何處覓郎裹郎骨
兒今長大郎有續
妾卽碎身妾亦足

歲暮和東坡岐下三首韻

餽歲

殘冬歲事興習俗
喜相佐海邦富產異
入市羅珍貨盈

筐魴鯉鮮在豈豚羊大老僕僊送迎夜深未得臥親朋
饋遺多紛紛委四座試思貧家子朝餐愁夕磨古人有
明訓禮盛斯爲過三復東坡詩千秋誰與和

別歲

游子去鄉國顧戀一何遲義和鞭返景一逝杳難追
滔滔入東海遠望無津涯回思少年日春風曾幾時有酒
須痛飲安必甘與肥且盡今年歡勿貽異日悲歲去不
可駐歲來莫能辭及時須努力吾茲幸未衰

守歲

君看守歲法有似逋亡蛇雖云在中道迅疾難邀遮舊

東坡全集卷四
歲設可守新歲將奈何且尋賓從樂中夜成謹譁晨鐘
喜未發歲鼓聊亂搗我今雖弱冠須思暮景斜年年有
今夕爲樂毋蹉跎高堂白髮親老健差足誇

春社詞

東屠猪羊西醺酒共拜神前祝神佑五日一雨十日風
願得年年爲神壽鼓聲坎坎角鳴鳴前者唱于後者喁
老巫起舞作狡獪狂言謾語驚喧呼傳道訴神神已許
神念汝虔當福汝祭餘分肉徧鄉鄰細嚮肥肩巫自與
社前水生落夕暉家家扶醉返柴扉多情更有村南女
插得神花滿鬢歸

城南看花憶廣陵舊游用高太史江上看花韻

幾時不看長安花驅車南北隨風沙年來初喜住鄉國
無事日日追春華千紅萬紫那可數重重豔蕊紛交加
尋春踏徧蘇小墓載酒時過徐孀家葉底流鶯歌水調
枝前粉蝶翻風車攢紅攬翠久忘倦敲帽一鞭搖日斜
記得廣陵宴游樂東園花事洵堪誇吳姬當鑪剛十五
春缸酒熟教頻賒別後征塵滿襟袖回頭不見空咨嗟
始知少年徑須樂人生萬事如朝霞無端綺麗豈常在
東風一逝難邀遮多病故人尙江海作詩遙寄天一涯

陳將軍歌

將軍諱化成號蓮峯福建同安人官江南提督道光
二十二年壬寅夷犯吳淞力戰死之時五月初八
日也 賜諡忠愍

陳侯人世飛將軍縱橫意氣驅風雲卅年海上事征戰
所向往往成殊勲生來自具封侯相走卒功名起偏將
鯨島橫戈喪賊魂鷺門專閫符人望壬寅奉

命趨吳淞駐兵坐守蛟龍宮三年擐甲臥戎帳甘苦每
與士卒同此時妖焰方炎熾劫舍屠鄉日復日飛檄方
驚乍浦焚傳烽復報甯波失崇朝狂虜窺寶山蔽江巨
艦薄雄關將軍疾呼誓殺賊奮臂已斃千酋頑軍聲忽

亂鼓聲止百萬火龍鬪江水右師先潰將星沈千人痛
哭爲公死功敗垂成仰問天

天顏震動下垂憐論勲賜卹予隆諡姓字自足留千年
靈風夜撼潮頭沸猶是將軍不平氣臨危赴義得幾人
一死何如李忠毅吁嗟乎蓮峯之山高峩峩苧溪流水
生回波二公亮節光前後萬古忠貞氣不磨

七夕

雉尾鸞旗取次移年年此夕訴相思爲煩靈鵲相傳訊
人世還多久別離

聞砧

一夜砧聲起閨人遠寄衣愁腸隨斷續歸夢共依稀嶺
峽猿相和關河雁正飛干戈紛未定何日破重圍

題謝明府荷鷺圖

秋風幾日生蘋芷驚落芙蓉夜深死鉛華洗淨碧潭空
片片殘紅飛不起沙頭羣鷺如有情絲長羽短何亭亭
拳足立殘海雲白含愁窺破江天青引步昂頭聚還散
澄波蘸影光淩亂葉底游魚見欲潛林間幽鳥時相喚
潮上烟生日未闌清江遠望路瀾漫水田漠漠碧無極
疑在維摩畫裏看

怨詞

庭前蝴蝶花葉密陰相護昨夜月中看雙雙欲飛去
秋日過陳氏村居不遇

訪道偶不值時聞園鳥喧野花疏滿地風竹巧當門隔
水分秋色看雲倚石根不知山已曠獨立入黃昏

過積翠寺

尋幽逾碧巘訪道策孤筇烟溼千年薜風清萬壑松閒
心盟白水殘夢接疏鐘我愛超公法飄飄塵外蹤

題七道士畫魚

劉進畫魚有奇癖潑墨揮成神奕奕近時道士稱最雄
數百年來爲勁敵凌晨拭目登中堂坐覺雲烟生素壁

昂藏巨鯨一丈高頭角崢嶸王宇額揚鬚鼓鬣摩虛空
怒擊橫衝撼霜日頃刻狂飈倒海青翻身惡浪排山白
初疑五丁摧折蓬萊島驅促滄洲來咫尺又恐靈犀然
徧牛渚宮照見精靈唬窟宅問君此技誰所傳無乃神
工豈人力我生亦是江湖客數載悠悠溷塵迹何時假
得珊瑚鉤釣取六鼈置座側酒熟詩成眼已迷長空純
作蛟龍色

自題湖山載酒圖

妖姬刺船船不發湖光激灩湖天碧孤雲照水去悠悠
獨鶴掠舟飛拍拍新詩一卷酒百壺夕陽半落山欲晡

隔船絃管響初徹我時爛醉歌嗚嗚此樂但願無時無
詠餘甘

閩南佳果菴摩勒翠葉黃葩實可食圓如彈子瑩如珠
持向北人多不識賦性頗與橄欖同森嚴氣味剛其中
苦後回甘少媲美祛邪蠲毒多奇功此老從來稱敢諫
蘭臺梧省誰相薦逆口將期明主知苦心未許凡人見
嗚呼良材自古棄草菅荆棘反得生當關伏莽往往有
奇士請君搜求巖谷閒

題施怡巖

邦鎮

畫石

施侯愛畫老成癖寶墨如金殊自惜昨爲城東李十郎

貌得媧皇煉餘石，剗造化走光怪，排坼巖巒露稜脊。
詭狀能教神鬼潛，巍根時見蛟鼉擲。初看疑是太湖倒，
久對或恐仇池積。君家豈有縮地術，坐使瀛洲來咫尺。
李郎示我請賦詩，持出滿堂聲嘖嘖。我時神馳動魂魄，
願君珍重如白璧。此卷不易黃金百。

題王石谷山水畫幀

高堂忽爾生烟霧，寒氣逼人毛髮豎。崩山倒海只須臾，
瞥見千重萬重樹。細看一幅生綃圖，百年墨色暗模糊。
洪濤洶湧山勢孤，恍若扶桑日出光蓬壺。渺若赤城霞，
落連蒼梧天。台匡廬瀟湘鏡湖舊游，一一盡奇絕不識。

與此當勝無我欲因之問天都扁舟一去忘朝晡江流
不合幾回折浦潏坡坳出復沒杳杳波光天際收搖搖
帆影雲閒滅鳥低日落風淒淒層崖雜沓愁攀躋長松
怪柏鬱古氣深處似有清猿唳揮毫若此豈易得坐對
滿堂皆動色作歌我愧瓊瑤篇還君此圖三歎息

寒食

一年寒食又今朝太息春光漸寂寥連社催殘分肉鼓
六街吹徹賣餠簫鬪雞舊俗傳猶徧畫鴨遺風歎已遙
踏盡城南芳草路斜陽歸去馬蹄驕

柳

裊裊江亭柳那知離別情年年車馬地白眼看人行

病中寄郭五兼秋

柏蒼

孝廉

愁雨連朝暗高樓畫掩扉春隨花事去心覺少年非魯
酒不成醉陶琴時一揮近來多臥病常與故人違

游烏石山

經旬未登臨數里覺修直振策陟層巔捫蘿攀石磴四
山風淒淒落葉滿樵徑浮雲寒較遲薄霧坐將暝鳥聲
一何哀清徹聳孤聽棖觸感秋心超越狂吟興歸途發
浩歌巖谷互酬應緩步出深林悠然一聲磬

送人從軍

送子安西去征途轉戰忙馬嘶金埒月人立玉門霜生
死看雄劍殷勤奉羽觴願君須努力京闕日相望

舊邊詩九首

瀋陽東去莽蒿萊萬里平沙絕塞開長白山形當險出
混同江勢抱關來轉輸此日通遐域割據當年想霸才
自是中州門戶地時清未徹望烽臺

右遼東

薊門關塞阻迢迢天府雄名尙未遙地重漁陽誇左輔
戍連上谷隔前朝潮河日落千艘集朔漠風清萬馬驕
一自甯藩南徙後永教聲援絕宣遼

右薊鎮

開平八驛置蟬聯漢壘秦營入暮烟見說文皇親歎塞

誰憐元毅遠籌邊大甯月冷秋傳檄獨石風高晚控弦

太息連城遭土木守殘無策重防宣

右宣府

雲中古道峙孱顏迢遞川原望不遑馬邑烽烟逼五堡
雁門形勝控三關古囊遠入秋笳急渾脫西來戰血殷
爲問乘邊諸將帥誰當獻策濟時艱

右大同

晉陽自古說巖疆扼險臨衝鎮朔方四塞烽臺寒夜月
五原戰壘付斜陽到都已沒匈奴靖寶靜初來突厥亡
漫道邊關解兵甲偏頭斷石重持防

右山西

榆林舊治隸邊陲設衛增垣鎮屢移早見連兵爭套口
不聞輓粟向延綏草荒斷隴牛羊臥沙漫橫城盜賊窺

莫使三軍怨枵腹米珠薪桂至今悲

右榆林

五衛屏藩倚賀蘭風沙千里路漫漫雲荒紅寺銅駝臥
冰合黃河鐵騎寒東勝重恢防敵易靈州坐失守邊難
何人更上屯田議獨向清時策治安

右甯夏

雄鎮遙連八郡平西來烽火接長城蕭關日落寒無色
黑水風號勁有聲毳帳舊屯開遠戍鐵衣新調鞏昌兵
轉輸誰爲籌艱險虞詡當年有盛名

右固原

嘉峪關頭落日昏秋深萬馬散平原地從哈密沙塵沒
塞入祁連鼓角喧突陣未須虞北寇控邊無計弭南藩
羈維河外孤危甚絕貢當勤列戍垣

右甘肅

壯懷堂詩初稿卷四終

壯懷堂詩初稿卷五

侯官林直子隅

題鮑逸卿^俊先生畫松

吾聞畫松如畫馬植物之中最難寫畢宏韋偃不可作
千百年來無畫者鮑君家住大海東勁節倘與松柏同
酒酣灑墨上絹素頓覺四壁來長風喬柯鐵榦天門種
骨重神寒氣森竦晚歲甯愁冰雪侵炎天時見烟雲擁
空堂白晝生晦冥其下彷彿棲神靈殷雷怒摧虎豹骨
疾雨夜走蛟龍形乃知巨筆老無敵結想直窮造化力
伍相祠前見幾回蔣侯陵畔看曾得我生好古復好奇

終朝兀對掩柴扉此君自是蒼龍種會見他年破壁飛
寄徐雲汀一鶚孝廉

日夕思君子相見無由期山川既修阻悠悠令人悲春
風歸戶庭碧草鬱以滋嘉木敷前楹濃陰泛重帷覩物
感時序悵望天一涯一日偶不見如隔三秋時况乃久
契闊若與古人違離居一何曠歎息有餘思

同蒹秋洛西登天開圖畫樓

樓與江城接蒼然暮靄閒亂烟沈遠樹落日見羣山鳥
去不知向雲來常自閒豫商來日約載酒款柴關

自題泛海圖

少年不識當世務談笑動欲輕王侯千金在手立擲去
興酣思向滄溟游揭來頗解山水樂壯心遂視功名薄
未能高躡白雲蹤卽當徧插紅塵腳挂帆弔古金陵城
鍾山作勢如相迎英雄已往形勝在鐵龍亂叫吳天青
是時日落江水赤金戈翻作魚龍聲客來三月春光暮
柳色桃花古城路回首雲開北固山隔江樹暗西津渡
繼而扁舟泛洞庭江豚吹浪湖風腥靈旗搖搖白日動
蒼梧夜雨來湘靈復登泰山觀日出紅雲倒映玻璃碧
金光照見仙人宮海風如畫山水皆立探奇亦復問天台
長嘯頓覺愁懷開坐對蒼茫萬古意遙自荒烟慘淡之

中來時乘興歌莫哀謝公行處今已沒太白題詩安在
哉雨冥冥兮雲濛濛山之靈兮來趨風上有千尺臨流
之瀑布下有雙鬟對峙之奇峯劉晨阮肇胡爲舍之去
我欲從之乃躑躅而難逢因知古來情之所同興之所
在莫不有緣於其中我生十八多傀偶拂袖歸來此三
載壯游汗漫心未灰更須十洲以外觀瀛海圖成正值
秋花黃痛飲忽忽傾千觴抱茲破浪乘風意何有江流
萬里長

酬陳幼農

陽廷

茂才見贈卽步原韻

玉眞仙人笑我狂謫落塵世隨低昂廿年齷齪溷塵埃

所向往往如參商與君相見各傾倒意氣照耀雙干將
更無餘地置諸子徑放巨眼觀滄桑惟君誕生肇巴蜀
峽水倒瀉淘君腸新詩沈雄勁無敵獨樹旗幟登詞場
揭來文辭益精進凌厲董賈超班楊才華發越氣蓬勃
如矢出彀馬脫繮山川失燄星斗死詎與小耀爭光芒
深憐古人不我見奇氣直欲高穹蒼胸中壘塊澆不盡
酒徒日進呼高陽因思古來九命說此理誠有非虛荒
溟鵬早自具雲翮扶搖萬里終南翔况君盛年負壯志
不欲屑屑談文章髣髴變化只朝夕會見姓氏懸旂常
嗟予庸材等樗櫟敢謂大木同榆枋學書學劍兩未就

昨舌徒羨他人臧竝無黃金事賄賂安怪漢殿遺王嬙
朱顏綠鬢豈常在痛哭繼以歌聲長勸君及時且須樂
白髮漸至滋傍徨

邊將

使者辭金殿將軍出武威一身期報國萬死敢言歸戍
遠烽烟直天寒草木稀若逢漢都護協力破重圍

追悼張亨甫

際亮

孝廉卽題其妻光堂稿後二首

幾年挾策謁天關閩嶠燕臺數往還奇士曾聞傾北海
斯人何意老東山一棺蓋後猶遭謗萬事生前只強顏
鳳羽未成螭馭邈永畱詩卷在人間

飄零書劍逐風塵，宇內談詩三十春。
身似杜陵常作客，才如王粲尙依人。
渥洼神馬開金勒，碧海長鯨縱玉鱗。
寂寂夜臺應瞑目，京華重見棗梨新。

聞都門近有重刻君詩者

哭陶永言

詠

上舍四首

昨夜傳凶耗，西風遍故園。
人生看至此，天道復何論。
欲惜秦州淚，誰招楚國魂。
竹林今寂寞，摧愴更無言。

湖海徵兵日，山川泣別年。
一生長作客，萬里未言旋。
宛轉秋風曲，淒涼薤露篇。
高堂有老母，遺恨及黃泉。
曠達自成癖，天涯浪迹餘。
才驚謝眺句，人寶魏華書。
落日明丹旆，長途滯素車。
年年春草路，惆悵定何如。

昔遊西澗水今上北邙邱妻子竟何託琴書誰與收此生無萬日一別竟千秋回憶瀕行語悽然起暮愁

題甘軍門畫虎

軍門畫虎世無敵持出萬人俱辟易匪徒形似神亦真千里腥風生座側霜牙磨礪聲齒齒電目輝煌光弈弈捋鬚豈畏卞莊勇措爪將摧周處鎬天生英獸合空山誰使來君之素壁兒童驚仆蒼犬死百歲老翁行喘息西涼虎多苦夜出此獨胡爲見朝夕助虐更有南山狐假爾餘威掇人食

廢冢歎

北原叢冢高峩峩白楊寒棘何其多狐鬼嘯烟翁伸死
牛羊滿地山童歌三月清明春已暮家家爭言上墳去
貧家墳小樹不高欲掛紙錢向何處富家新墳三丈餘
連山松檜千萬株兒孫羅拜奉祭祀雞豚酒黍盈盤盂
中有古墳長不掃玉鳧石獸橫當道老柏參天叫怪鴟
羨門出土埋豐草當年爵里何崔巍今日問人人不知
殘碑猶看綴龍鳳窆穴已見藏狐狸阿翁自來好風水
地師作術公卿起公卿未至室已空落得饑寒與孫子
君不見關西楊四世姓氏標旂常又不見扶風竇一門
公侯稱貴胄崇朝辭祿歸黃泉權位勲名共傾覆金谷

園中花亂飛館娃宮裏草初肥盛衰貴賤須臾事安用
區區勢利爲

酬劉芑川

家謀

外翰見贈

廣文先生人中豪負氣上逼蒼冥高作詩能宗李與杜
出入經史窺風騷揭來握手城南道言與建寧亭甫好
亭甫文章一代雄滾滾洪濤三峽倒我昔一晤燕京城
劇談宏辯真豪英酒酣輒喜策時務言之切中聞者驚
別來夜夢墜秋浦丰采儀容誰復覩沙塵不見黃金臺
痛哭秋山淚如雨吁嗟乎大雅久淪沒詩學亦淩夷
鼉跋扈魚龍嬉乘風鼓浪爲險巖願君坐擁千水犀掃

除蛟鯉劉鯨鯢如君之才實偉奇方今壇坫遍海內眼
見牛耳須君持感君肝膽向君吐天下幾人稱繡虎丈
夫在世貴自雄餘子紛紛何足數嗚呼我輩安所期但
須日日浮金卮因風更語張亨甫月白風清憶汝時

劉筠川

永松

茂才招飲

林子在家不得意仗劍去去將何之劉郎致書招我飲
大呼狂叫情爲移今年城中春雨足寒食家家新釀熟
玉盤珍味堆嵯峨鯉尾猩脣惟所欲夜深燭爛華堂開
孤鴻叫天雲外來空庭月下人未散竟夕歡笑聲如雷
雞聲忽動林風起堂廡蕭蕭淨加水昂頭四座若無人

醉後疏狂偶然耳君家長公

謂芭川

鸞鳳姿高歌痛飲真

吾師座間賓客頗不俗性皆磊落才欽欽十載論交少
相遇今朝一見如逢故我輩安爲禮法羈脫帽揮毫寫
情素酒旣旨殺復多城南昨日休干戈請君重倒金叵
羅爲君楚舞歌楚歌無端聚散尋常事不醉樽前奈老
何

贈何松亭

承元

大令

四海論交舉目空寥寥蹤迹各西東詩才自古推何遜
豪氣無人識孔融京國十年冰雪冷雲霄萬里羽毛豐
待看花縣鳴騶日循吏應能簡

帝衷

和謝枚如

章鉅

茂才

步出城南門江水流浩浩連朝雨未歇修途積泥潦歸
來忽不懌憂心怒如擣靜坐觀萬象閒門閉常早東風
過戶庭盈階長春草言念平生親千里阻河道結客逼
十年未得展懷抱今日杯酒閒感君意氣好

放歌行東芑川卽送其司訓甯德

丈夫在世不稱意胡不棄家游四方安肯低頭困鄉井
致身局促徒傍徨生當壯氣游京洛三十封侯展雄畧
錦衣玉轡擁千軍妖氛掃淨歸崖壑否則散髮凌雲烟

探遐叩寂求神仙天風落帽滄溟邊徑呼玉蚪騎上天
遙尋五際觀八埏不然亦當結交遍海內立擲千金謀
一醉閱盡人間歌舞場青衫紅袖同憔悴我嘗東登泰
岱西薄函關南觀滄海北盡燕山吳頭楚尾甌越間大
江茫茫去不還洪濤怒吼吼子胥立酒酣醉踏魚龍頑金
陵自古英雄地虎踞龍蟠險形勢夕陽芳草弔六朝長
江不盡興亡淚我歌甫歇風蕭蕭揚子江頭起暮潮健
帆一夜廣陵去一年三度魂屢銷琵琶壓酒歡未畢青
山猶銜半邊日廿四橋頭踏月明三千里外愁行客歸
來高臥無諸城夜夢乘雲遊太清玉皇詔開釣天門雷

公喝道闍者驚天狗吠我聲狺狺神王鬼母遙相迎蒼
龍吟笛鳳吹笙鸞簫虎瑟紛俱呈仙官導我行行行遍
玉京名花靈草燦然瑤瓊樓臺聳崒而崢嶸其物與禽
獸皆白色仙姬對舞乃能照耀日月光晶瑩忽聞傳旨
丹霄殿蓬萊宮中賜華宴雲母屏風翡翠牀璇宮貝闕
縈雷電考朗鼓鏗洪鐘婉衿雜佩翩相從麟膏鳳髓金
盤籠月娥飲我甘露酒陶然醉臥春風中倏而墜落塵
寰去木葉紛紛不知處覺來乃在枕席間雄雞一聲天
下曙此時八月秋風生起看星斗墜江城饑鷹老雁競
去不可以悉數但聞庭中蛩螢鳥雀相哀鳴嗚呼十年

所遇有如此乾坤萬事浮雲耳趨炎逐利竟何爲速速
百年同老死感君意爲君歌人生不樂奈老何此時此
地送君去甚日重來釃酒痛飲使我朱顏酡嗚呼且須
釃酒痛飲與爾朱顏酡

江城話別圖爲芑川作

我聞霍童之山削出青芙蓉崩巖怪石形嵒巖豁硤峭
拔不可以徑上中含萬古抑鬱灑落之秋風東南諸峯
競奇美君兮此行樂無已三年始見今復別益我愁心
滿烟水慘慘之日欲落冥冥之雲不開天低江遠隨地
盡離思遙逐征鴻來執君之手三徘徊欲別未別徒心

哀是時月下漏三鼓拔劍悲歌向君語結交意氣重平生
灑淚臨歧亦何補江城三月花娟娟有酒且自開華
筵圖成擲筆仰天笑揮手一去眞千年

題盧蘊眞女士紫霞軒詩鈔四首

掃眉才子自翩翩不羨秦嘉贈答篇天與聰明兼淑慎
閨中豪傑女中仙

容華名著金釵句道韞才誇柳絮詞想見西齋女士所居春
雪後瑤箋身管苦吟詩

翦綵裁花付化工羞將陳語逐雷同孤吟不厭生涯淡
大有王娘林下風

佳章傳誦忽紛紛
海角天涯到處聞
左女才名韋母德
一生雙得不如君

送李義門

性

歸嶺南四首

風雪路漫漫
關山已早寒
客心驚歲暮
旅夢落江干
酒盡歌聲急
燈殘劍影單
蕭齋情話久
別淚不曾乾

匹馬孤城迴
征途阻且長
峯高迴白鶴
峽轉出羚羊
聞粵烽烟接
關河歲月忙
相期書數紙
早晚寄他鄉

誰識廬從事
時懷濟世憂
防夷輸遠策
籌海出奇謀
聽雨龍樓夜
談兵虎帳秋
朝趨幕府豈
必在封侯
得失存吾道
如君世總稀
閉門先業在
干祿壯心違
世

路愁知己青山負布衣
翩翩杜書記忍使獨南歸

劉鐵嶺

崇慶

孝廉以牡丹畫障索題書此以應二首

五色雲團露未乾
獨將豔蕊殿春殘
東風桃李都零落
能駐韶華是牡丹

名花端合倚紅妝
品隲尤宜女士章

圖內有錢塘綠筠女士朱璘題詠

寄語東君深護惜
莫教蜂蝶趁輕狂

寄題陳氏村居

中歲威名重

帝州茫茫天地欲何求
入山自喜隨麋鹿與世相看去
馬牛鬪藥幾時過石澗尋詩終日坐僧樓
亦知金紫趨

朝貴直道於今歎寡儔

題謝琯樵

穎蘇

畫竹

山人好畫尤好竹丰姿遠過湖州牧試將水墨灑淋漓
貌得瀟湘千里綠交柯直榦氣疏落側耳似聞聲簌簌
高處欲招鸞鳳集深叢疑有虬龍伏恍惚昔從何處遇
不是黃岡定淇澳坡翁不作與可死大卷長篇更誰續
十年看遍江南花濃豔徒教厭心目何如此景清且閒
坐對令人遠塵俗謝侯與我久相熟篋有鴛溪絹千軸
請君爛醉揮百幅

送黃肖巖

宗彝

上舍之永安六首

壯歲知名久高懷邁等倫嗟予識面晚與爾論心眞志
在何須達詩成不厭貧十年相慕意忍使老風塵
一第添憔悴名場遭遇難才高逢世棄品峻覺形單學
隸追秦漢論詩逼建安相期吾道在豈獨勸加餐
豈不耽安臥其如世路何偶因生計拙偏覺別離多交
道杯中物人情水上波臨風忽惆悵擊節一高歌
欲別未忍別危途未易行灘高爭怪石山盡出孤城霧
散龍還鬪江空雁自橫勝遊佳絕處指點暮烟生
餘地高原迴荒城古堠連春耕分斥鹵晚稻足畦田
布方徵稅溪魚不取錢此鄉風土好何必淚潛然

聚散原無定看山興未賒斗峯當檻入傑閣帶雲斜夜
雨榭欄水春風荳蔻花何年重奇燭握手話生涯

灌園

小園秋日晴匝月未逢雨觀書有餘閒引水沃焦土忽
聞剝啄聲揖客入庭戶客云子何爲毋乃自尋苦儒生
務學業斯事同老圃言是意則迂失笑掌三鼓余心欣
所適肯與俗情伍不見桔槔翁卿相若無覩佇立聽蟬
鳴山齋日卓午

南山有虎行

南山有虎勢莫當黃熊匿影赤豹藏橫行白日入村市

搏取黃犢吞猪羊黑夜咆哮當道坐磨牙攫爪長林下
村南年少悍且雄抽矢彎弧不敢射居民日日相悲號
寡妻幼子無處逃西舍老翁見白骨東家小女流血膏
里正訴官官長怒連夜急差弓手捕弓手畏虎不出城
明早詎官虎已行

立秋夜懷芑川

西風一葉落中庭回首知交淚欲零竟夕思君渾不寐
閒階獨立數殘星

送家洛西

潭

游蒲陽

海風吹冷城南天高齋置酒開離筵主人作歌客起舞

拔劍四顧心茫然

用

林生倜儻良可喜文采風流妙無

比廿載棲遲守故園

一朝慷慨辭鄉里平生意氣高青

雲白眼那識平原君詩篇自矜萬夫敵談笑欲卻千人

軍君才本自負岝嶸丰姿皎若雞羣鶴不是尋常行路

人詎當餓死填邱壑嚴冬別我游莆陽芒鞋竹杖何倉

皇一肩行李寒雲晚千里關山夜月涼君家賢兄隔幾

載魂夢猶疑對丰采此去題詩九鯉湖仙人掃榻遙相

待朋舊年來去漸稀將行分手更依依高堂白髮方長

望勸君得歸姑且歸只今交道非疇昔幾人論心礪金

石落拓徒增羈旅愁飄零况是雲山隔林生林生須自

惜阮籍途窮見不悲
孺生才大嗟無益

余家舊植梅二株紅白各一
丁未冬適鄂跼草堂落成
蒹秋洛西枉過言及園中花
木甚乏因移其白者贈之
竝繫以詩

數年相見東牆下
月夜清吟半爲君
移植烏園雖得地
卻憐詩思與平分

飲鄂跼草堂

爲有探幽興
頻生物外心
竹梧隨地種
桂柏隔牆陰
山近雲依戶
庭空月在林
往來嵇阮輩
談笑日相尋

送廉叔

秉博

舍弟之山東二首

吾弟山東去歸來未有期廿年同寢食一日忽分離喜
汝成家室因人度歲時壻鄉雖可樂須慰老親思
越郡連吳郡揚州更濟州風塵須健飯星月想披裘客
夢懸清夜歸帆卸早秋一樽籬菊下同醉遣離愁
送枚如之甯德

詞客江東去名山恣詠題穿雲過太姥冒雨訪支提故
國草空碧客程柳正齊相思望天末翹首暮雲低

上巳日作呈黃大肖巖

百年良辰能幾得那禁歡游不追憶眼看春事去恩恩
花落花開徒歎息去歲今朝風日晴柳陰巷陌聽嘯鶯

香塵十里遮道起攜手同作清江行江干高樓起超忽
玉笛聲高正淒絕天姬嬌小唱陽關似爲行人怨離別
此時君方入劍州看山興發誰能畱當筵賓客盡相勸
痛飲意欲吞糟邱門外驪歌催日暮蒼烟隔斷春江路
無情歲序動經年花月荒荒等閒度君去君歸復幾時
緘詩兩寄慰分離此間無限相思意付與春風總不知

題李

燦

畫鷹

秋深高館靜兀兀四座忽聞迅颯發眼芒觸見炎熇精
子立空堂勢奔突含愁側腦目閃電戴角離鞬爪拳鐵
乍看爽颯疑是真猛氣傍來指毛髮此時大漠風正高

黃沙萬里迷蓬蒿妖禽怪獸叫原野聚族各自求其曹
爾曷攬身與相遭腳趾狡兔擒飛猱其餘鵠鵠及元梟
小醜只足供一鈔紛紛惡類盡擊死仰天大笑吹血毛
奮然遠舉沖雲霄鵠鸞鴻鵠同翔翺此獨胡爲在素壁
斂翼凝神忍岑寂似將蓄怒坐待時灑落英風沓千尺
從知畫師有意爲要令俊物呈雄姿懸之可能辟不吉
黑夜那敢來魑魍吁嗟乎鷹兮鷹兮託生亦微薄矯健
猶堪威鳥雀男兒意氣凌萬夫否當餓死填邱壑君看
古來多少明哲人幾見低頭刺促老此身嗚呼安可低
頭刺促老此身

題瑄樵畫蘭

從來畫蘭如畫眉古今雖畫似者稀所南元章不可作
近數南州謝布衣昨朝爲我寫長幅陡覺四座飄芬菲
墨氣縱橫意深遠烟莖風葉紛離披大花搖脣似含笑
小花斂黛如凝思低昂反側各異態潛招蜂蝶來書帷
我方捉襟起危坐彷彿曾遇湘江湄謝郎謝郎何落拓
十年作客閩山陲日擁嬋娟自嬌好名花入手生丰姿
我聞古人重交誼芳草千里遙相貽與君數見若手足
剖析肝膽同襟期急將此卷貯篋笥重之奚啻千金貲
朝廷倘下徵畫詔秘府他年當薦之

送何鍊師

玉洞真人下九天黃衣白髮喜談玄
名山託迹皆千古
薄海尋師已十年擬駕龍蹻求大藥
思從蟬蛻證飛仙
丹成汞熟歸何處望斷匡廬頂上烟

蟬

幾處秋風緊淒淒響暮蟬清依垂葉露寒咽入林烟
枵腹憑誰問哀鳴爲爾憐池南有高樹聊可避鷗鴛

施食謠

華堂銀燭光盈溢幾處人家夜施食堆盤瓜果列中庭
僧道滿壇鬼滿室鈴聲上訴天帝聞新鬼故鬼來紛紛

佛發慈悲鬼更哭似向佛前嘯未足嗚呼世道何不均
惟知度鬼不度貧貧者受饑終餓死鬼卽生前餓死人
鬼乎鬼乎且休泣世人一飯猶難得

閒居秋興

露坐中庭下披衣入夜哦檐風疏敗柳池雨散殘荷病
覺醫方熟貧添酒債多浮生成底事回首感蹉跎

夜坐感懷

零露委百草繁霜悴重英庭階紛落葉日久寒蟬鳴感
茲時事改攬衣坐前楹曠觀天宇高仰見銀河明素月
鑒深帷悠悠傷我情命途旣多阻白髮日以生援琴再

三歎涕淚交縱橫

歲暮懷芑川

羲和鞭日馭速去無停輶
撫茲歲華晏感歎生百憂
言念平生交迢迢阻河邱
昔從文讌樂今各稻梁謀
東洋山水窟靈氣鬱以幽
霍童聳崇谷長溪激頽流
淑區恣登眺佳景紛盈眸
文教敷海外時君調臺陽司訓
詩歌倒滄洲時君方梓其詩曰外丁卯橋居士初集又曰東洋小草
君才信云富我病誰與瘳
風禽愧短翮呼侶徒啁啾
相思不可見傷矣發長謳

壯懷堂詩初稿卷五終